

«ՀԱՅ ԳՐԱԿԱՆՈՒԹՅԱՆ ՄԻՋԱԶԳԱՅԻՆ ԿԱՊԵՐԸ: ԺՈՂՈՎԱԾՈՒ», հ. 2, Երևան, ՀՍՍՀ ԳԱ հրատ., 1987, 310 էջ:

Ժողովածուում զետեղված են 10 հոդված: Գրանցում խոսվում է Հեթում պատմիչի, միջնադարյան ֆրանս-հայկական գրական կապերի, գերմանական մի լեզունդի հայկական ակունքների, Լեհաստանում հայ գրականության (XVI—XVII դդ.) ավանդույթների շարունակող Մինաս Թոխաթեցու մասին: Լուսա-րանվում են Սերվանտեսի և հայ գրականության, Վոլտերի փոխադասական արձակի ու հայ գրական-հասարակական մտքի փոխառնությունները: «Լե-սինգի «Անահիտ» հանդեսի էջերում» հոդվածներում քննվում են եվրոպական գրականության, թարգմանության խնդիրները: Հետաքրքրությամբ են ընթերց-վում հայ գրական կյանքում պառնասականությանը, Վահան Տերյանի և Շառլ Բոդլերի պոեզիային, հայ ժողովրդի մեծ բարեկամ Ռոմեն Ռոլանին նվիրված հոդվածները: «Հաղորդումներ» բաժանում ներկայացվում են Մկրտիչ էմինի՝ շեքսպիրյան երկերի թարգմանության փորձերը և սովետական շրջանում գրա-կան կապերի ուսումնասիրության խնդիրները:

Գրքի պատասխանատու խմբագիրներն են Կ. Հ. Ճինգոզյանը և Վ. Հ. Փար-թամյանը:

«ՏԱՐԵԳՐԸ (1987), ՍՏԵՂԾԱԳՈՐԾՈՒԹՅԱՆ ՓԻԼՍՈՓԱՑԱԿԱՆ ԵՎ ՀՈԳԵՐԱՆԱ-ԿԱՆ ՊՐՈՐԸԼԵՄՆԵՐԸ», Երևան, ՀՍՍՀ ԳԱ հրատ., 1987, 196 էջ:

Տարեգրքում զետեղված են ինը տեսական հոդվածներ, որտեղ խոսվում է մարդկային գործունեության համակարգում ստեղծագործության տեղի և դե-տերմինացիայի, ստեղծագործական գործընթացի փուլերի ու ենթագիտակցու-թյան, հայտնագործության տրամաբանության (գիտատեխնիկական որոնման օպտիմալ եղանակի ուսմունք) մասին: Քննվում են՝ ստեղծագործականը և ստերեոտիպայինը մշակույթում, հասկացումը գիտական իմացության մեջ, փոխադասական ստեղծագործության յուրահատկությունը, փոխադասական դրդապատճառները գիտական տեսության կառուցման գործընթացում, գեղար-վեստական ստեղծագործության հասկացումը և ենթագիտակցության ու ին-տուիցիայի դերը:

Տարեգրքին ունի Երիտասարդ փոխտնօրինի ամբիոն, Տարեգրքի հյուրերը, Գրախոսություն բաժինները: Հոբելյանական տարեթվեր բաժինը նվիրված է Համլետ Գևորգյանին, Միքայել Մինասյանին, Ալեքսանդր Թևոսյանին, Ռոբերտ Զիջյանին և Գևորգ Խրոպյանին: Գիրքն ունի Լրատու և ուշագրավ տվյալներ է պարունակում հեղինակների մասին:

Գլխավոր խմբագիրն է ՀՍՍՀ ԳԱ ակադեմիկոս Գ. Ա. Բրուտյանը:

ՏԻԳՐԱՆ ԱՎԵՏԻՍՅԱՆ—Հայկական ազգաբնույթ, Երևան, ՀՍՍՀ ԳԱ հրատ., 1987, 321 էջ:

Աշխատության վեց գլուխներում ներկայացվում են հայերի անվանման բանաձևերը, հայկական ազգանունների ձևավորումը (I, II), լուսաբանվում են ազգանվանական հիմքերի ծագումնաբանական, ժամանակային դասակարգումը, ազգանվանակերտ անձնանուն հիմքերի կառուցվածքային դասակարգումը և անձնանվան տարբերակային ձևերը՝ իբրև հիմք (III): IV գլխում խոսվում է ոչ անձնանուն ազգանվանական հիմքերի մասին (ուղեկցող բառեր, Ժարհես-տավոր, զբաղմունք), «պաշտոն, աստիճան» իմաստներով բառեր, տեղանուն-ներ, մականվանական հիմքեր):

V և VI գլուխներում քննվում են ազգանվանակերտ ածանցները և ազգա-նունների հնչյունային, գրային, այլալեզու տարբերակները: Գիրքն ունի ազ-

գանունների ցանկ, համառոտագրություններ և գրականության ցանկ:
Պատասխանատու խմբագիր՝ Ա. Ն. Սարգսյան:

ԳԱՐԵԳԻՆ ՀՈՎՍԵՓՅԱՆ—Նյութեր և ուսումնասիրություններ հայ արվեստի պատմության, հ. 2, Երևան, ՀՍՄՀ ԳԱ հրատ., 1987, 364 էջ:

Հատորում զետեղված են 21 հոդված: Հոդվածներում ժամանակագրական կարգով լուսաբանվում են հայկական մանրանկարչության, հայ արվեստի ծագման ու ոսկեդարի վերաբերյալ հարցերը, խոսվում է հայ տաճարների գմբեթավորման, գերեզմանական հին կոթողների, Ժէ—ԺԸ դարերում էջմիածնի տաճարի նկարազարդման ու ծաղկազարդման հարցերի մասին: Պատմվում է «սարկավազ», գրիչ, նկարիչ, արձանագործ Մոմիկի, նկարիչ Սարգիս Խաչատուրյանի, գրիչ և նկարիչ Թեոդորոսի մասին: Ներկայացվում են՝ Խիզան քաղաքի պատմությունից մի էջ, գրառում Մատենադարանի տպավորությունների մատյանից, Կաթողիկոսարանի ցուցահանդեսը: Հետաքրքրությամբ են ընթերցվում Բարձրաբերդի ոսկեկազմ Ավետարանին, Հեթում Ա-ի նկարազարդ Ավետարանին հարաբերություններին նվիրված հոդվածները:

Հատորն ունի ծանոթագրություններ և Գ. Հովսեփյանի օգտագործած գրականության ցանկ, վերատպություններ:

Բնագիրը պատրաստել և ծանոթագրել է Մ. Մ. Ղազարյանը:

Պատասխանատու խմբագիր՝ Ն. Հ. Մուրադյան:

ԳՐԻԳՈՐ ՀԱԿՈԲՅԱՆ—Սկեռայի գրական մշակութային դպրոցը, Երևան, ՀՍՄՀ ԳԱ հրատ., 1988, 131 էջ:

Կիլիկյան Հայաստանի գրական-մշակութային խոշոր կենտրոններից մեկի՝ Սկեռայի գործունեությունը լուսաբանող այս մենագրությունը հեղինակի վերջին հետազոտությունն է: Գրքում խոսվում է Կիլիկիայի հայկական պետության պատմության մեջ քաղաքական ու մշակութային խնդիրների և Սկեռայի մենաստանի մասին: Ներկայացվում են Սկեռա գրական-մշակութային վանական դպրոցի հիմնադիր, մատենագիր, գրիչ, շրջանագետ Ներսես Լամբրոնացու, Սկեռա վանքի ուսուցիչ ու վանահայր Գրիգոր Սկեռացու, ուսուցիչ Գեվորգ Սկեռացու և վարդապետ Մխիթար Սկեռացու կյանքը, նրանց արձակ ու չափածո ստեղծագործությունները: Ուսումնասիրված են Սկեռա մենաստանի գրչության և մանրանկարչության արվեստը, «մանրուսում» կոչվող երաժշտական ուսմունքը: Հավելված բաժնում ընդգրկված են Սկեռայում ստեղծված արժեքավոր հիշատակարաններ:

Գիրքն ունի ծանոթագրություններ:

Պատասխանատու խմբագիր՝ Գ. Վ. Աբգարյան: